

吏典先以考中實撥各衙門書辦及考中聽撥
外今後在京并南京各衙門起送三考滿吏典
俱照宣德年間及統正十四年以前事例引
內府考試會同六部都察院堂上官出題南北類試錦衣
衛當堂上官監察御史六科給事中監考分
為等第考其文義精曉行移得當書札不
謬三等俱可取為一等照本等資格用或一
等可取者為准用三等俱不可取者發回原
籍為民當差

監生拔次分撥各衙門歷事例

成化五年十二月十八日禮部等衙門書等官等
等題為建言民情事儀制清吏司案呈奉
本部送准吏部咨禮科抄出金華府金華縣
儒學訓導尊虞孟言一件抑清進以正志臣惟本
有連天之資本乎培植之深人有蓋世之才由乎
作養之久昔孔門漆雕聞不安小民夫子說之下
子夏見小欲速夫子戒之誠以與子者當以遠大自
期不可以近小動心也切見近年天下學校生
員一聞勘合考取四十以上者送監則雖學以密
成虛增年歲愚考送監不可勝數依親監生以
聞上馬納糧赴吏部報名聽選相爭上馬相
競納糧越資求任者雖以繕計求其不安小

成幾人哉南北監監生近因正統十四年擾攘之秋積蓄糧儲將新貢入監者暫放依親讀書不為常例迄今在家聽取到監隨即掄半年之上吏部給假還家未二年復部轉給假五年少學正助教為閑官講堂膳堂為虛器深可選猶未到部聽選之上多在監肄業之時少慨焉如家乞

勅該部行移南北二監并天下提督學校各有廩膳年四十五累科下第未該貢者查考是實不必挨次准令在前充貢再不許仍冒年歲一槩盡進年陰前弊庶使生員專心務學而望外之想南北監生或照監生正統年間事例坐監掄歷儲養肄業以待取用如遇大比之秋願就應天府科舉者聽從其便或遇選務教荒之數不許坐監之人上馬的糧以越資取用庶使人心有定而無覬覦守之諱等因抄出會官議得前件吏禮二部查行成化五年十一月二十九日各官於

奉天門奏奉

聖上曰是欽此欽遵除禁革各處生員納馬上糧并四十以上送監及不許監生納馬上糧聽取與南北二監監生聽選今順天等府鄉試係是有例見行外查得洪武正統年間監生各俱生監每三年許令回還原籍省發一次復監肄業及至取掄各衙門歷事務照原坐監月次掄出歷事三箇月方月過勤謹行移吏部知會各生仍於原衙門歷事掄次取用至統十四年以來為因京儲糧

餉缺少納馬等項監生數多幾將入監年深者
放回原籍依親讀書入監年淺者肄業其聽掄
各衙門歷事監生景太年間三邊月考過勤謹
重歷一年送部聽選天順八年至今歷事三箇
月考過勤謹重歷九箇月送部聽選又因無缺
今准給假回家取討盤纏六七年間方得送用
是使生監歷事之日少回家依親聽選之日多
誠如訓導虞子孟所言但今監生衆若照洪武正
統年間事例坐監并掄歷事例不無坐監困滯合
無量為斟酌將天順八年前成化元年放回監坐行取
復監至成化七年為始通將成化三年以後監生不
分新舊俱照正統年間事例坐監肄業其掄歷
事一節除納馬監生有例坐監十年掄歷外

其各項監生今後亦各照依天順六年事例
挨次分撥各各衙門監生三箇月滿日考過
勤謹行移吏部填註選簿令生仍於原衙門
歷事九箇月通前一年各衙門寫本者亦以一
年為滿各送吏部聽選其清黃馬誥及天
財等寺庫歷辦等項仍令國子監照依見行事
例扣算與歷事監生年月相等分掄庶為允
當緣係建言監生等項事例未敢擅便俱題

次日奉

聖旨是欽此